

1. Le o texto e responde as cuestión que lle seguen:

O dous significados raíces de «económico», o substantivo e o formal, non teñen nada en común. O último procede da lóxica, o primeiro da realidade. O significado formal implica un conxunto de regras relativas á elección entre os usos alternativos dos medios insuficientes. O significado substantivo non implica elección nin insuficiencia dos medios; a subsistencia humana pode implicar ou non implicar a necesidade de elección, e se hai elección, non necesariamente tene que deberse ó efecto limitador da «escaseza» dos medios; de feito, algunhas das máis importantes condicións sociais e físicas para a subsistencia, como a dispoñibilidade de aire ou de auga ou a dedicación dunha nai amorosa que coida ó neno, non están por regra xeral tan limitadas. A coherencia que entra en xogo nun ou outro caso difire do mesmo xeito que difiere a forza dun siloxismo da forza da gravidade. Nun caso trátase das leis do entendemento; noutro, das lei da natureza. Os dous significados non poden ser máis distintos; semánticamente sitúanse en sentidos opostos da intencionalidade.

A nosa proposta é que solamente o significado substantivo de «económico» pode producir os conceptos que necesitan as ciencias sociais para a investigación de todos os sistemas económicos empíricos do pasado e do presente.

Karl Polanyi. "O sistema económico como proceso institucionalizado"

Cuestións:

- a) Cal é a diferenza básica da definición substantiva de economía con respecto á definición formal?
- b) Cal das dúas é por que motivo é a defendida polo autor?
- c) Comparten todos os antropólogos e antropologas a idea de que se trata de definicións totalmente opostas?

2. Le o texto e responde as cuestións que se plantexan a seguir:

A pesar do feito de que a economía occidental está estritamente baseada nos mecanismos de mercado –se o mercado desaparecera, a sociedade se colapsaría- hai algunhas area da nosa vida que están suxeitas ós outros tres principios.

Un amplo e importante sector da economía española está controlado pola distribución. Os impostos e as multas son os exemplos máis destacados. Os impostos son unha forma de distribución na que o noso diñeiro vai cara o centro (concello, autonomía, estado) e desde este centro logo se deriva a certos beneficios.

As obras benéficas ás que facemos algunha achega tamén redistribúen a riqueza en beneficio de aqueles a quen vai o diñeiro.

Existe tamén un pequeno recuncho da economía española dominado polo principio de reciprocidade en forma de intercambio de regalos. O feito de que se compren no mercado a maioría dos regalos que se intercambian non significa que non exista un aspecto non mercantil no reparto implicado no don. De feito, criticamos, e mesmo nos indignamos, a persoa que aberamente calcula o valor de mercado nos regalos recíprocos, aínda que propablemente todos o facemos sisimuladamente.

Paul Bohannan, *Para raros , nosotros*. Akal, madrid, 1996, p. 127

Cuestións:

- a) Sinala os tres tipos de distribución que Bohanan menciona no texto.
- b) Cal dos tres afirma que predomina na economía occidental?
- c) Recolle os exemplos que ofrece para os outros dous tipos de distribución ós que se refire.
- d) Explica por que Godelier di que no don nada se devolve senón que se re-dona.

3. Le o texto de Pierre Bourdieu e responde as cuestións que se preguntan a continuación.

...As representacións dos axentes varían segundo a súa posición (e os intereses asociados) e segundo o seu habitus, como sistema de esquemas de percepción e de apreciación, como estruturas cognitivas e evaluativas que adquiren a través da experiencia duradera dunha posición no mundo social. O habitus é ó mesmo tempo un sistema de esquemas de produción de prácticas e un sistema de esquemas de percepción e de apreciación das prácticas. E, nos dous casos, as súas operacións expresan a posición social na que se ten construído. En consecuencia, o habitus produce prácticas e representacións que están disponibles para a clasificación, que están obxetivamente diferenciadas...Por exemplo, dicimos que unha vestimenta, un moble ou un libro: "cheira a pequeno burgués" ou "cheira a intelectual"....

Pierre Bourdieu, *A distinción*

Cuestións:

- a) A través do concepto de *habitus* Bourdieu explica as preferencias no consumo. Recolle no texto a definición de habitus que propón o autor.
- b) A análise de P. Bourdieu da distinción explica que unhas perosas consuman servizos no seu tempo de ocio que teñen que ver coa práctica do golf e outras

coa práctica do sendeirismo. Desde a súa perspectiva é o gusto algo individual ou é este socialmente construído?

SOLUCIÓN

Solucións Texto 1

- a) A diferenza básica é no seu significado substantivo economía non implica elección nin insuficiencia dos medios
- b) Polanyi defende o significado substantivo de economía por ser o único capaz de producir os conceptos que necesitan as ciencias sociais para a investigación de todos os sistemas económicos empíricos do pasado e do presente.
- c) Non todos a comparten defenden que poden ser compatibles se se recoñece que tamén os xeitos de “economizar” se constrúen socialmente e dependen da tradición cultural, que non é unha racionalidade universal que tome unha única forma.

Solucións Texto 2:

- a) Mercado (mecanismos de mercado), redistribución e reciprocidade
- b) O mercado é o predominante
- c) Os impostos son exemplo de distribución e os regalos son exemplo de reciprocidade.
- d) Godelier sinala que ó devolver ou máis ben o re-donar se crea unha nova deuda co que recibe. Polo tanto coa devolución non se anula a deuda senón que se renova, reforzando os lazos familiares, de veciñanza ou calquera tipo de relación que una ós implicados.

Solucións texto 3:

- a) O habitus é un sistema de esquemas de percepción e de apreciación (estructuras cognitivas e evaluativas) que adquiren a través da experiencia duradera dunha posición no mundo social. O habitus é ó mesmo tempo un sistema de esquemas de produción de prácticas e un sistema de esquemas de percepción e de apreciación das prácticas.
- b) É socialmente construído, ten que ver coas clases sociais ou a posición que ca individuo ocupa no mundo social e é ese lugar o que configurará na súa biografía o seu hábitus..